

Расууллоҳ (с.а.в)

16:08 / 19.04.2017 4689

Шукр бирла отар ҳар-бир тонгимиз,
Мұхаббатингизла түлган онгимиз,
Фидодир сизга бу жисму-жонимиз,
Аллоҳ сүйган, улуғ инсон, Набиүллоҳ,
Шафоатчимизсиз бизнинг Расууллоҳ.

Ҳаётимиз суннатингиз ила ўтгай,
Суннатингиз маҳкам тутган баҳтга етгай,
Түғри йўлдан юриш жаннатларга элтгай,
Мехрибоним, Мушфиқимсиз, Набиүллоҳ,
Шафоатчимизсиз бизнинг Расууллоҳ.

Росгўйликни таълим бериб, ўргатиб,
Сиз кетдингиз умматларни тарк этиб,
Тушларимга кирингиз баҳтли этиб,
Барча умматларга суюкли Набиүллоҳ,
Шафоатчимизсиз бизнинг Расууллоҳ.

Илм фарз деб ҳар мусулмон умматга,
Йўлладингиз инсоф, имон, ибодатга,
Эришсин деб барча уммат саодатга,

Ёд этамиз сизни ҳар вақт Набиуллох,

Шафоатчимизсиз бизнинг Расууллоҳ.

Айтган ҳар-бир сўзингиз чин ҳикматdir,

Дунёдаги олтин, дурдан қимматdir,

Соф етказмоқ уни бизга хизматdir,

Шириңсўз, ҳушзабондирсиз Набиуллох,

Шафоатчимизсиз бизнинг Расууллоҳ.

Ибодатлар қилиб сизни ёд айласам,

Тунлар бедор Аллоҳга фарёд айласам,

Гоҳо билмай гуноҳу исён айласам,

Авф этарми Аллоҳим, Набиуллоҳ?

Шафоатчимизсиз бизнинг Расууллоҳ.

Номингизни ёд айладим шеърлар битиб,

Шафоатингиздан мен ҳам умид этиб,

Вақти келиб бу дунёдан кетсанм ўтиб,

Бўла олдимми чин умат ё Набиуллоҳ?

Шафоатчимизсиз бизнинг ё Расууллоҳ.

И л т и ж о . . .

Нафсимни тарбия этишим учун,
Хақ йўлда бардавом кетишим учун,
Қалбимга илм уруғин сепишим учун,
Ўзинг мадад бергин, Ўзинг қўллагин,
Жаннатга элтувчи йўлга йўллагин.

Чин дилдан сўраса бергувчи зотсан,
Ҳожатманд инсонга олий нажотсан,
Барча ўткинчидир, сен барҳаётсан,
Ўзинг мадад бергин, Ўзинг қўллагин,
Жаннатга элтувчи йўлга йўллагин.

Солиҳ бандалардан бўлай Ўзингга,
Амал қиласай айтган ҳар бир сўзингга,
Қиёматда пардасиз боқай юзингга,
Ўзинг мадад бергин, Ўзинг қўллагин,
Жаннатга элтувчи йўлга йўллагин.

Кўзимдаги бор ёшим сен учун оқсин,
Қилган амалларим Ўзингга ёқсин,
Мўъмин бандаларинг саодат топсин,
Ўзинг мадад бергин, Ўзинг қўллагин,
Жаннатга элтувчи йўлга йўллагин.

Гар мадад бермасанг йўқдир чорамиз,

Назаринг тушмаса биз бечорамиз,

Мадад истаб яна қайга борамиз,

Ўзинг мадад бергин, Ўзинг қўллагин,

Жаннатга элтувчи йўлга йўллагин.

И л м . . .

Илм шундай улуғликки, улғайтиргай кишини,

Илмлилар ўйлаб қилар ҳар-бир қилган ишини.

Илм олмоқ учун аввал, ҳолис ният даркордир,

Ҳолис ниятли инсонга, Аллоҳим мададкордир.

Илмга рағбат қилиш ҳар бандага фарз бўлди,

Чунки, Аллоҳ Қуръонда "Ўқи!" деб амр қилди.

Адо қилмоқ илинжида роббимизнинг арини,

Ҳайётдаги қарз деб билдик илм олиш дардини.

Илм олишга отландик мадрасайи муборакка,

Уни билиш боғлиқ экан каттагина матонатга.

Илм олиш мобайнида одобни ҳам ўргандик,

Чунки, илм одобсизга зийнат эмас билгандик.

Тинглар эдик устозлар айтар ҳар-бир сўзларин,

Илохий нур нурлантира устозларим юзларин.

Дилдан айтган ўгитлари бизга ҳамроҳ хамиша,

Билиб олдик не билмасак, қилмадик ҳеч андиша.

Таълим берди устозларим ҳаққа етмоқ йўлини,

Маҳкам тутиб адашмадик ул зотларнинг қўлини.

Ёмон сўзлар сўзламадик, оғритмадик дилини,

Ўргатдилар малолланмай билган барча илмини

Дейдиларки устозларим: "Сиз барига сабр қилинг,

Динни ҳолис етказмоқни бир умурлик қарз билинг"

Ўргатган ҳар таълимлари қалбимиизда нур бўлди,

Олган ҳар бир талимимиз етказмоқлик фарз энди.

Йиғган барча илмимиз, бўлди мисқолларга тенг,

Бундан кейин бунданда кўп йиғмоқни ғамини енг!

Ахир бизни кутмоқдадир, порлоқ, нурли келажак,

Бугун таълим олган, албат эрта таълим беражак.

Абдулносир Абдулмалик ўғли

Тошкент ислом институти талабаси